



Umschreibung

Ee, 4



10.
N. 14.

QVVM
NATALEM QVINQVA-
GESIMVM
FRIDERICI,
REGIS BORVSSIAE
FRIDERICIANA CELEBRARET,
EODEMQVE DIE
FRIDERICVS
HOFFMANNVS,
REGIVS CONSILIARIVS, MEDICINAE
ET PHILOSOPHIAE PROF. PUBL.
PRORECTORIS
MVNVS CAPESSERET,
OFFICII SVI RATIONEM BREVITER
EXPLICARVNT
EIVSD.
MAGNIFICI PRORECTORIS
DOMESTICI ET CONVICTORES.

HALAE MAGDEBURGICAE,
LITTERIS CHR. HENCKELII, ACAD. TYP.



Væ boni faustique ominus sunt, & quæ maxime conueniunt in natalem summi Principis, ea nobis religiose & suscipienda hodie, & peragenda esse, si quem fugerit, eum Academiae ciuem an dicamus, multa sane distrahimur dubitatione. Sciri enim oportebat, augustissimi REGIS FRIDERICI, DOMINI nostri multo clementissimi, natalem quinquagesimum, omnibus exopatisimum, hoc die celebrari, quo vota pro Eius incolumitate, totiusque Regiæ gentis, publice nuncupantur. Neque hoc fas est ignorare, Regiam hanc Academiam, sapientissimi FRIDERICI immortale monumentum, Eiusdem Conditoris sui prouidentia, miraque liberalitate, nouo iam ornari beneficio, dum Academiae ciuibus, boni ordinis causa, magistratum constituit, cuius ministerio tranquille omnia, & ad publicam felicitatem adornentur. Suscepit superiore anno fasces Academicos, quos nunc ponit, Excellentissimus LYDWIGIVS, Regius Consiliarius, & ordinarius vtriusque iuris, itemque Philosophiæ Professor, Vir multarum functionum satagens, atque huic Academiae non inficiandus: & quis est omnium, quin exploratum habeat, quanta sit, quam FRIDERICIANA felicitatem, quantæ, quas accessiones hoc PRORECTORE habuerit. Ingens sane studiorum prouentus fuit, quorum sexcenti, & amplius, accesserunt, illustres, generosi & nobilissimi iuuenes: ingens etiam, quod præterea com-
mo-

modum in hanc Academiam est deriuatum. Nunc rebus administrandis præficitur, quem omnes ex singulari doctrina & prudentia cognorunt, Excellentissimus HOFMANNYS, itidem Regius Consiliarius, & Medicinæ pariter ac Philosophiæ meritissimus Professor. Quo rerum moderatore quid exspectari publice, quid seorsim a ciuibus possit, exponent illi, a quibus ante hoc decennium in eadem purpura conspectus est; nec ceteri illud difficili coniectura apprehendent. Medicum mireris ad munus tam arduum admoueri, Medicum Musis præfici: sed non alio magis, quam medico, opus est, sicubi morborum varia genera inualuerunt; nec peruersum est, si in Apolline hæc sociantur, medicina & reliquæ doctrinæ, Apollinem & medicinæ & Musis præfidem adsignari, uti antiquitas ad vnum illum hæc duo munera referebat. Medicam verò scientiam Excellentissimus Vir, cui fasces hodie commendantur, non tantum aduersus pericula corporis, sed, in quo maius momentum est situm, animi quoque, egregie callet, &, quod nullus dubitet, multis id per hunc annum euincet experimentis. Est huius sæculi labes quædam, virtuti inuidere. ita Marcum Tullium audimus, pro Balbo dicentem. Sitne eadem labes nostri quoque sæculi, consideremus. Quod si est comperitissimum, ecquis non peritissimos quosque medicos circumspiciat? quis non eosdem suspiciat, morbo auertendo pares? quumque in hac Academia eiusmodi quiddam verendum sit, quis non

non experientissimum HOFMANNVM Academico cœtui gratuletur? Bene erit, si nihil tale, quod medici opem requirat, futuro anno circa honestum iustumque contigerit; interim providentiam haud quisquam coarguet: potest enim aliquid contingere, vt est rarissime morbus a tanto grege alienus. Epilepsia certe, facer morbus, qui dicitur, sed, si de mente accipiamus, omnibus modis execrandus, plurimorum artus permeavit, dum iam hoc vitio, iam isto, iam alio, misere corripiuntur. Nec pauciores podagra scimus adfligi, qui pigre ad id, quod est sui muneris, coeunt, domi confidentes, aut extra domum, vt nihil agendo male agere perdiscant. Sunt hi morbi, quos auerruncari haud posse vulgo existimatur; sed falso. Secus docebit excellens hic Medicus, acerrimus corrigendæ naturæ censor, idemque medicinæ repertor felicissimus. Proinde ciuium quorumuis in eo munus consideratur, vt, quem sapientissimus REX FRIDERICVS, DOMINVS noster indulgentissimus, Academiae suæ ProRectorem FRIDERICVM præfecit, hunc omnes intueantur, eique sapientiam, qua quidem pollet, at duraturam, de cælo exoptent. Nos illos hac in parte imitamur, qui præcedunt; etiam ceteri sequantur. Nos & FRIDERICI REGIS salutem, & omnis Borussiae gentis, & florem FRIDERICIANAE nostræ, supremo Rectori, Deo, precibus commendamus, &, id quod nostrum est speciatim officium, Magnifico PRORECTORI, Patrono nostro, de publico munere, quod hodie capesuit, diligentissime atque ex animo gratulamur.

Ua 933^a

I. 4^o

ULB Halle 3
003 591 591





QVVM
NATALEM QVINQVA-
GESIMVM

EDERICI,
BORVSSIAE
ANA CELEBRARET,
ODEMQVE DIE
ERICVS
EMANNVS,
LIARIVS, MEDICINAE
SOPHIAE PROF. PUBL.
RECTORIS
VS CAPESSERET,
IRATIONEM BREVITER
XPLICARVNT
EIVSD.
CI PRORECTORIS
CI ET CONVICTORES.

AE MAGDEBURGICAE,
R. HENCKELII, ACAD. TYP.

